

հին, փառաւորեալ, սրբազան յիշատակը երթալով չի կործանիր :

ԺԱ

ԳԻՒՂՐԻՒՄ ՆԱԽԻՋԵՒԱՆՈՒ

Հինգ հայաբնակ գիւղեր կան Նոր-Նախիջևանու շորս կողմը, 18-25 վերստ հեռաւորութեամբ քաղաքէն : Ամէն գիւղի մէջ կան նորաշէն ընդարձակ եկեղեցիներ և նոցա մօտ գիւղացի մանկանց համար դպրատուններ : Եկեղեցեաց վերստին չինութեան գլխաւորապէս պատճառ եղած է Սըրբազ. Գարրիէլ՝ առաջնորդ վիճակին, յորդորելով գեղացիները և ցուցնելով միջոցները :

ԻՄեծ-Սայա. Ս. Խաչ վանքէն դէպ 'ի արևելեան հիւսիս, բանուկ ճամբով գնալով ընդարձակ հայաբնակ գիւղ մի կ'ենէ՛ ճանապարհորդին ընդ առաջ. այլ դեռ գիւղը չհասած՝ ճամբորդը արդէն կը ծանօթանայ գիւղացւոց տիպարին և տարագին՝ մասամբ և նոցա բնաւորութեան :

Հայ գիւղացին կը տարբերի Ռուս մուշիկէն, ինչպէս կերպարանքով, նոյն և զգեստուք. յաճախ նոցա վրայ կը տեսնուի կոճկէն կապայ մինչև ցծունկ իջած, մէջքերնին դօտի, ոտքերնին երկայնախոնջ կօշիկ, գլուխնին բոլորած և գտակ, աչխատող մշակի համար՝ շատ յարմար զգեստ : Առհասարակ սօքա քաշուած և անհաղորդ կերպ մի ունին. որով կը տարբերին ռուս պարզամիտ մշակէն, երկայն վարոց ձեռքերնին, չո՛ւ, չո՛ւ գրուցելով յառաջ կը վարեն սայլերը. այլ մտքով միշտ զբաղած